

CBETA電子佛典集成

CBETA Chinese Electronic Tripitaka Collection
eBook

T20n1057b

千眼千臂觀世音菩

薩陀羅尼神呪經

唐 智通譯

財團
法人

佛教電子佛典基金會



目次

- [編輯說明](#)
- [章節目次](#)
 - [1 總攝身印](#)
 - [2 總持陀羅尼印](#)
 - [3 解脫禪定印](#)
 - [4 千眼印咒](#)
 - [5 千臂總攝印](#)
 - [6 通達三昧印](#)
 - [7 呼召天龍八部神鬼集會印](#)
 - [8 呼召大梵天王及憍尸迦來問法印](#)
 - [9 歡喜摩尼隨意明珠印](#)
 - [10 乞願隨心印](#)
 - [11 入滅盡定三昧印](#)
 - [12 請佛三昧印](#)
 - [13 辯才無礙印咒](#)
 - [14 破三千大千世界滅罪印](#)
 - [15 降伏三千大千世界魔怨印](#)
 - [16 廣大無畏印](#)
 - [17 水精菩薩護持千眼印咒](#)
 - [18 成就印](#)
 - [19 成等正覺印](#)
 - [20 呼召三十三天印](#)
 - [21 呼召天龍八部鬼神印](#)
 - [22 解脫印](#)
 - [23 自在神足印](#)
 - [24 神變自在印](#)
 - [25 王心印咒](#)
- [卷目次](#)
 - 001
 - 002
- [贊助資訊](#)

編輯說明

- 本電子書以「CBETA 電子佛典集成 Version 2023. Q4」為資料來源。
- 漢字呈現以 Unicode 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 service@cbeta.org 回報。
- 版權所有，歡迎自由流通，但禁止營利使用。

爾時觀世音菩薩摩訶薩白佛言：「世尊！是我前身不可思議福德因緣，今蒙世尊與我授記，欲令利益一切眾生起大悲心，能斷一切繫縛、能滅一切怖畏。一切眾生蒙此威神，悉離苦因、獲安樂果。若有善男子善女人，於我滅後五百歲中，能於日夜六時依法受持此陀羅尼神呪法門者，一切業障悉皆消滅，一切陀羅尼法悉皆成就。今我念報世尊恩德，隨在何等乃至村城國邑聚落或在山野林間，我常隨逐擁護是人，不令一切神鬼之所燒害。」爾時觀世音菩薩又白佛言：「世尊！後五百歲中，眾生垢重薄福者多，不能專念；設有受者，或被鬼神之所侵害。今我以佛威神之力，廣為饒益一切眾生，安樂天、人、阿脩羅等，為說陀羅尼法。我於過去無量劫中。已曾親近供養如是陀羅尼法，乃至過去未來現在諸佛皆因此陀羅尼法門得成阿耨多羅三藐三菩提。若有善男子善女人等，專念受持此陀羅尼法門者，此人現世口說流利無所質礙，慧辯通達，於一切天人大眾中為第一，聞者歡喜悉皆稽首，在所生處常得見佛法僧，有所言說人皆信受。當知此是諸佛威神之力，非我自力。」爾時世尊讚歎觀世音菩薩言：「善哉善哉！汝能如是利益安樂天、人、阿脩羅等及淨業道。我今以智印印之，令汝永不退轉。」爾時觀世音菩薩又白佛言：「世尊！我念過去無量劫中，持此陀羅尼法門在布怛羅山中，乃逢魔王領諸魔眾惱亂我法，令使呪句不成。爾時我以此陀羅尼法降伏是魔，悉皆退散。當知此陀羅尼力不可思議。」爾時觀世音菩薩慈悲故、利益故、安樂天人故，即說姥陀羅尼法。

根本大身呪(用後總攝身印)「那麼薩囉婆(二合)若(爾那切)耶(一) 娜謨喝囉怛那(二合)多羅(二合)夜(引)也(二) 娜謨阿弭陀婆(重平)耶怛他揭多耶(三) 阿囉訶羝三藐三菩陀耶(四) 娜謨阿唎耶(二合)跋路枳帝(五) 濕縛(二合)囉耶(六) 菩提薩埵耶(七) 摩訶薩埵耶(八) 摩訶迦嚕尼(去聲)迦耶(九) 娜謨摩訶薩他摩(二合)波羅(二合)鉢多(二合)耶(十) 菩提薩埵耶(十一) 摩訶薩埵耶(十二) 摩訶迦嚕尼迦耶(凡迦字皆鳩耶切)(十三) 娜謨毘補羅毘麼那(十四) 素(上聲)鉢唎(二合)底(丁枳切)瑟恥(二合)多(去聲)(十五) 僧棄(長)耶素(引)唎耶(二合)舍多娑訶薩囉(二合)阿羝唎(引)迦(十六) 鉢囉(二合)婆(重平聲)阿嚩(皆肥麼切)婆(重平聲)悉多(短)慕(引)唎怛(重去聲短二合)曳(十七) 摩訶末尼(去聲)摩矩吒軍荼囉陀唎泥(去聲)(十八) 薄伽伐底(丁里切)鉢頭摩(二合)波(引)拏(上聲)曳(十九) 薩囉婆(二合)路迦阿(阿字是上聲，迦字上聲長，緣此句內有阿字，更不須迦引聲)跋(長去聲)耶(二十) 奢(去聲)麼那(去聲長)耶

(二十一) 毘毘(去聲)陀毒(長)佉三摩鞞(去聲引)舍吠瑟吒(二合)(二十二) 薩婆薩埵跛哩慕者那(去聲引)耶(二十三) 怛姪他(二十四) 唵(二十五) 勃(重)部(長)皤(伏訛切)(二十六) 摩訶路迦羯囉(短)赧(二十七) 那哆(丁躬切)麼(二十八) 悉底(丁里切二合)弭(短)囉(二十九) 鉢吒囉(三十) 毘那舍那(引)迦囉耶(三十一) 囉伽墜(二合引)沙摩訶慕(引)訶闍(引)羅(三十二) 奢摩(去聲)迦(三十三) 奢婆迦(三十四) 囉訖叉迦(三十五) 薩婆波耶突唎揭(二合)底(平聲)(三十六) 鉢囉(二合)舍麼迦那揭囉耶(三十七) 薩婆怛他揭哆(三十八) 三摩嚩馱(重引) 那羯囉(短)(三十九) 醯醯(重努氣道)(四十) 摩訶菩提薩埵嚩馱(四十一) 鉢頭摩(二合)路(引)迦三步(重)陀(四十二) 摩訶迦嚩尼迦(四十三) 折(植列切引)吒(上聲)麼矩吒(長上聲)楞(近冷切)訖唎哆(二合)(四十四) 舍唎蘭摩尼羯那(上聲)迦囉闍哆跋折囉(二合)吠住[口*离]耶(二合)(四十五) 楞訖唎(引)多舍利囉(四十六) 阿弭哆(引)婆視那(短)(四十七)(上聲) 迦摩囉楞訖唎哆(四十八) 鉢囉(二合引)皤(去聲引)囉那囉哩者那(四十九) 摩訶社那娜囉(短)那(長)唎(五十) 舍哆娑訶薩囉(二合)阿毘(重平聲)囉使哆迦耶(五十一) 摩訶菩提薩埵(五十二) 毘馱摩毘馱摩(五十三) 毘那舍耶毘那舍耶(五十四) 摩訶(引)演覩魯(二合)訖隸(二合引)奢迦皤(去聲)吒皤(去聲)畔哆僧娑囉迦(上聲短)(五十五) 波羅迦囉(二合)摩他那(五十六) 布嚩沙鉢頭摩(二合)(五十七) 布嚩沙那伽(五十八) 布嚩沙婆伽囉(五十九) 毘囉毘羅闍耶(六十) 素誕多素誕跢(六十一) 鉢哩筏哩(二合重)多(六十二) 馱摩馱摩(六十三) 些摩些摩(六十四) 度(重)嚩度嚩(六十五) 鉢囉(二合)奢(引)薩(短)耶(六十六) 鉢羅(二合)奢(引)薩耶(六十七) 祁(重去聲)嚩祁嚩(六十八) 毘嚩毘嚩(六十九) 只嚩只嚩(七十) 姥(音母)嚩姥嚩(七十一) 姥庾姥庾(七十二) 悶遮悶遮(七十三) 度那度那(七十四) 毘(近佛音)度那毘度那(七十五) 度嚩度嚩(七十六) 伽(去聲引)耶伽耶(七十七) 伽馱耶伽馱耶(七十八) 喝娑喝娑(七十九) 鉢囉(二合)訶娑鉢囉訶娑(八十) 毘(去聲)毘(上聲)馱(八十一) 羯隸(二合)奢(去聲)(八十三) 嚩(去聲引)薩(短)那麼麼寫(某甲)(八十三) 荷囉(去聲)荷囉(八十四) 僧(司孕切)荷囉僧荷囉(八十五)(別入) 覩(重)嚩徵(八十六)(知智切) 覩嚩徵摩訶曼荼(去聲短)羅(八十七) 迦囉拏(八十八) 舍哆鉢囉(二合)細迦(八十九) 皤婆(重)娑(九十) 毘娑那(長)舍麼迦(九十一) 摩訶菩提薩埵(九十二) 皤囉馱(九十三) 莎訶(九十四句)」 此陀羅尼名薄伽梵蓮華手嚴飾寶仗。世尊於大金剛歡喜殿說，為尊勝菩薩及無量天、龍、緊那羅之所讚歎，為摧壞廣大業障山故。若有得聞者，若讀若誦若得覩視者，此人所有一切煩惱業障悉得消滅。若有人於晨朝時生尊重心誦此陀羅尼者，常為觀世音菩薩恒常隨逐擁護是人，所思念事皆得成就。若有求願使得成就者，當獨坐靜處，心念觀世音菩薩更勿餘

緣，誦此陀羅尼七遍，無願不果，又得一切眾生之所愛樂，不墮一切惡趣之中。若坐若行若住，常念佛如對目前者，是人於無量百千俱胝生，所有積集諸惡罪業皆得消滅，是人當得具足千轉輪王之福，生生常得與觀世音菩薩同時出生生貴姓家。若以一掬香華散於觀世音菩薩前，誦此陀羅尼七遍者，得大千功德大悲法性，彼人於世間得大力成就。若至心看菩薩面誦此陀羅尼者，即得見觀世音菩薩微笑相，見已即得離垢地，能照耀世間，即於此生當得見佛，臨命終時如入禪定，生生之處得宿命智，所有罪障皆悉消滅。若欲受持此陀羅尼者，當於白月十五日受持八戒齋，著白淨衣，於有舍利塔前及有舍利處諸佛前並得，用白檀作壇(其白檀於石上磨，取末用塗地)，以種種華散彼壇內。佛前燒香然燈，於佛所生恭敬心，觀世音菩薩而來入是壇內，當誦此陀羅尼一百八遍，是人所有一切罪障、五逆重罪悉皆消滅，身口意業皆得清淨，得佛三昧力，灌頂力、波羅蜜地力、殊勝智力悉皆成就。若須雨時，當視天誦此陀羅尼，甘雨應時即下。若視地誦此陀羅尼者，能令百穀皆得成熟。若於枯池河泉邊誦此陀羅尼者，即得水還盈滿。若一切病患，當誦此陀羅尼，以手摩之，即得除差。於失念者邊誦此陀羅尼，還得正念。若於飢渴人邊，當視其面誦此陀羅尼，所有飢渴悉皆消滅。若欲結界，當入池水中，寫此陀羅尼繫著幢上，一百由旬內無諸衰患，即成就結界，擁護成就。

總攝身印第一

先起立端身並脚齊立，右脚微曲少許。先以左手舒下，以中指無名指並屈著掌中，小指食指以大母指散舒，仰掌向上，次以右手亦然。屈肘與膊齊，掌向前。此是總攝身印。若欲降伏魔怨及諸外道邪見稠林，令人正道者，當作此印，誦陀羅尼二十一遍，必如所願。呪曰：

「那(上聲)謨曷囉(二合)怛囉夜耶(一) 那謨阿唎耶(二) 婆路喏帝攝伐(二合)囉耶(三) 菩提薩埵跛耶(四)(二合)摩訶薩埵跛耶(五) 摩訶迦嚕尼迦耶(六) 怛姪他(七) 阿(去聲)跋陀阿跋陀(八) 跋唎跋帝(九) 堙醯夷醯(十) 莎訶(十一)」

總持陀羅尼印第二

準前身印上，合掌當心，以五指相叉左壓右，以二頭指直豎頭相拄，以大母指附頭指壓第一文上，掌少開。此印名總持陀羅尼法。若人作此印者，誦呪二十一遍，能滅無量劫生死業障，當來往生十

方淨土。往昔釋迦牟尼佛臨欲成道，為魔王所惱，作此總持陀羅尼印，獲得禪定。呪曰：

「哆姪他薩婆陀羅尼(一) 曼荼羅耶(二) 堙醯夷醯(三) 鉢羅麼輸馱(四) 薩跢跛耶(五) 莎訶」

解脫禪定印第三

先偏袒右肩，右膝著地，合掌頂上，屈二頭指以頭相拄，二大指附頭指第二文上。此法印名解脫禪定印。過去諸佛同修此法，得禪定解脫。同前呪。

千眼印呪第四

起立並足，先以二中指無名指小指各以甲背相著，其二頭指豎頭相拄，其二大母指側搏附頭指第二文上，側腕開五寸許置於眉間。此名千眼印。作此印呪法門者，即得觀見百千萬億世界諸佛剎淨妙國土，一一佛國各得百萬四千菩薩與行者為同伴侶。若未經三曼荼羅者，必不得見此印法門。通作此法印，親驗菩薩授法與智通，凡有所願悉皆滿足。呪曰：

「唵(一) 薩婆斫芻伽囉耶(二) 陀羅尼(三) 因(去聲)地(丁涅切)唎耶(四) 莎訶(五)」

千臂總攝印第五

起立並足，先仰右手掌，五指各相附，後以左手掌仰壓右掌上，當心著。此名總攝千臂印。此印能伏三千大千世界魔怨。呪曰：

「怛姪他(一) 婆盧枳帝(二) 攝伐囉耶(三) 薩婆咄(徒訥切)瑟吒(四) 烏訶耶彌(五) 莎訶(六)」

通達三昧印第六

起立以脚跟相拄，先以左手豎五指相搏，屈肘向前托，次以右手亦然，屈肘向內托。此名通達三昧印。此印能令通達一切三昧智印，莊嚴八萬四千法門，皆因此法得阿耨多羅三藐三菩提。用前大身呪。

呼召天龍八部神鬼集會印第七

起立並足，先以左手無名指捻大母指甲上，次以右手亦如是作，二小指及中指直豎頭相拄，合腕，以頭指來去。呪曰：

「唵(一) 薩婆提婆那伽(二) 阿(去聲)那唎(三) 莎訶(四)」

呼召大梵天王及僑尸迦來問法印第八

準前印上，開腕以手側相拄，仰掌以頭指來去。呪曰：

「唵(一) 魔訶梵摩(去聲)耶(二) 堙醯夷醯(三) 莎訶(四)」

此印呪法，能攝無量無數陀羅尼印法門悉皆來集。若日月蝕時，呪酥二十一遍，以印印酥食者，令人聰明日誦萬偈。此印法門，日藏如來授與觀世音菩薩。

歡喜摩尼隨意明珠印第九

起立合掌當心，以二大母指雙屈入掌中，餘四指直豎合掌當心，誦前大身呪二十一遍，決定得入諸天宮殿，遊歷十方諸佛國土，百千珍寶隨心皆得，供養諸佛菩薩金剛一切聖眾。若有人能作此法門者，晨朝早起清淨澡漱作此印法，面見十方恒河沙國土諸佛，滅除無量劫來生死惡業重罪。是故讚歎如是功德。

乞願隨心印第十

準前印，屈二頭指壓二大母指甲上，其頭指甲背相著，用前身呪。若人隨所求願皆悉滿足，必定不退菩提之道。

入滅盡定三昧印第十一

準前印，直豎散頭持大母指，開掌。此印我在因地時，恒河沙諸佛授我此法，令我得證菩提之道。誦前大身呪。

請佛三昧印第十二

準前印，合掌當心，頭指來去。呪曰：

「唵(一) 薩婆勃陀三摩(去聲)耶(二) 堙醯夷醯(三) 鉢囉摩輸陀薩埵(四) 莎訶(五)」

千眼千臂觀世音菩薩十肘曼荼羅法門凡作一切曼荼羅法門時，謹按梵本云，此國土無有作曼荼羅地，如彼天竺皆取上勝福德之地以為壇場，婆羅門國別有擇地方法不能廣說。且論漢地，第一山居閑靜

之處。在山頂上有形勢處，掘地去其石礫及瓦器惡物，然始平治。以瞿摩夷和香塗地，縱廣一丈六尺，起基十二指乃至十六指，一肘以為勝上。第一取白栴檀香於其石上磨，取末塗曼荼羅上。以五色粉謨界。其壇安四門，東門安提頭賴吒天王、南方門安毘樓勒叉天王、西門安毘樓博叉天王、北門安毘沙門天王。次安天王左右及眷屬，各居本位。其曼荼羅中心安千眼千臂觀世音菩薩像，像前置案，案上置呪法，燒種種香安、種種飲食、散種種華以為供養，唯除雜物葷辛酒肉。自外日別造香鮮者華香果子，於像前著三白食乳酪、酥、蜜，燒檀香、沈香、蘇合、龍腦等香。每日三時洗浴，受三律儀，至心誦呪供養千眼觀世音菩薩。晨朝、午時、日暮供養，日別不闕，如是乃至三七日盡意供養。其呪師面向東方誦呪，作前第一第二第三乃至十二請佛三昧印。作前印一遍，各誦呪七遍，乃至第十二印畢，當自發不退堅固意，但作法呼召一切皆來，令發菩提決定心。端坐想一切呪神在其眼前，一無障難不得異境，誦前大身呪滿一千八十遍，爾時觀世音菩薩現阿難身相貌，來問行者：

「所須何法？求何願耶？」行者白言：「為求無上菩提陀羅尼法。」又願一切法壇皆悉成就，一切鬼神悉皆順伏。得如願已但自知之，不得向人傳說。又法若欲得求一切願者，當作四肘水曼荼羅法，燒沈水香，誦前身呪一百八遍，作前第十乞願印，即得一切如願滿足稱心。

又法若欲得一切歡喜者，作前第九歡喜摩尼隨意明珠印，誦身呪呪烏麻二十一遍，火中燒之，即得如意，獲得歡喜如意稱心。又法若欲令曷囉(二合)闍歡喜者，當取曷囉(二合)闍園內樹枝呪二十一遍擲置園中，即得歡喜。

又法若欲降伏惡人怨家者，當呪苦棟木，二十一遍一呪一燒，即得歸伏。

又法若有神鬼難調伏者，取安悉香及白芥子呪二十一遍擲火中燒，一切神鬼病者自然降伏。若有疫病流行，當作四肘水曼荼羅，取好牛酥呪一百八遍火中燒之，一切災疫悉皆消滅。又取酥少分，與疫病人食之，立即除愈。昔罽賓國有疫病流行，人得病者不過一二日並死。有婆羅門真諦起大慈悲心，施此法門救療一國，疫病應時消滅。時行病鬼王應時出離國境，故知有驗耳。

又法他國侵撓、盜賊逆亂起來，作前第一總攝身印呪一百八遍，一切盜賊自然殄滅。又法若一切業報眾生命根盡者，作前滅盡定印日日供養，燒沈水香，誦呪滿一千八十遍，即得轉其業障。昔波羅柰國有一長者，唯有一子，壽年合得十六。至年十五，有一婆羅門巡門乞食，見其長者愁憂不樂，夫妻憔悴面無光澤。婆羅門問曰：

「長者何為不樂？」長者說向因緣。婆羅門答曰：「長者不須愁

憂。但取貧道處分，子得壽年長遠。」于時婆羅門作此法門一日一夜，得閻羅王報云：「長者其子壽年只合十六，今已十五，唯有一年。今遇善緣，得年八十，故來相報。」爾時長者夫妻歡喜踊躍，罄捨家資以施佛法眾僧。當知此法不可思議具大神驗。以曾入大都會三曼荼羅金剛大道場者，不須作曼荼羅，唯結印誦呪，無願不果，速當成佛。又法若有女人臨當產時受大苦惱，呪酥二十一遍令彼食之，必定安樂，所生男女具大相好，眾善莊嚴宿植德本令人愛敬，常於人中受勝快樂。

又法若有眾生眼若痛者，以菩薩千眼印呪二十一遍，以印印眼，眼即除愈。以此大因緣，其人獲得天眼，光明徹見上界諸天受勝快樂。

又畫千眼千臂觀世音菩薩像法。謹按梵本，造像皆用白氈，廣十肘，此土一丈六尺；二十肘，此土三丈二尺。菩薩身作檀金色，面有三眼，一千臂，一一掌中各有一眼。彩色中不得著膠，以香乳和彩色。菩薩頭著七寶天冠，身垂瓔珞。又一本云：此無好大白氈，但取一幅白絹，菩薩身長五尺，作兩臂，依前第五千臂印法亦得供養，不要千眼千臂。此亦依梵本，唯菩薩額上更安一眼即得。若欲供養此法門者，先須畫像，其畫像法必須作曼荼羅如法，令匠者受八戒齋，出入一上廁一洗浴。其像作成，其畫匠及呪師恐多不如法，對像懺悔罪過，即安置曼荼羅中，即須作法廣設供養滿三七日。其千眼千臂觀世音菩薩像放大光明過於日月，無量無邊普照三千大千世界皆悉大明，一切眾生極大重罪一時消滅咸得清淨。作此法門者，除不至心。其千眼千臂觀世音菩薩像法，過去毘婆尸佛亦現作降魔身，千眼各出一佛，以為賢劫千佛也。千臂各各化出一輪王，為千代轉輪聖王。此菩薩降魔身中最为第一。爾時世尊告觀世音菩薩：「我以佛神力，窮劫廣說不能得盡。」爾時觀世音菩薩聞佛說已，歡喜信受，作禮而退。

灌頂印

先二大母指屈於掌中捻無名指，無名指中節相背，二小指頭相拄，二中指直豎頭相拄，二頭指屈各捻中指背上。即呪曰：

「唵(一) 步三末囉(二) 蘇摩鹽莎訶(三)」

誦呪二十一遍，自灌其頂，還復如故。若欲續驗，每日平旦於盆上結印誦呪，持呪之人犯欲及五辛等穢，當誦此呪解之。

千眼千臂觀世音菩薩陀羅尼神呪經卷上

爾時觀世音菩薩說是呪時，三千大千世界乃至非想非非想天六反震動，色究竟天摩醯首羅戰慄不安皆大恐懼，一切惡鬼皆大叫喚受大苦惱，東西散走莫知所趣。爾時化身語諸大眾及諸惡鬼神等：「若不隨順我呪者、違逆者，頭破粉碎。」此呪能摧碎諸山、乾竭大海，此呪能摧伏阿脩羅軍、護諸國土，此呪能摧伏一切諸惡鬼神、一切諸病、一切惡毒、一切惡人，此呪能摧破三十三天皆令降伏。若善男子有能誦持此呪者，其人威力說不可盡。此呪能令誦持之者豪貴自在，亦能令國王終身愛念，稱意所求悉皆滿足。若欲降伏魔怨者，當燒求羅香，誦我身呪二十一遍。若欲令一切人愛己者，呪楊枝二十一遍，口中嚼之，即得愛敬。若欲令自身辯才智慧者，呪菖蒲一千八遍，塗其心上，即得辯才無礙。作姥陀羅尼心印。

辯才無礙印呪第十三

以兩手相背合掌，大母指向前舒。此印能自護護他。當須結界，隨所遊方或呪淨水或呪淨灰，各呪七遍，所在住處以手掬水掬灰先灑自身，然後向於四方四角如法散灑。若有善男子善女人被諸惡鬼眾邪魍魎之所惑亂者，取石榴枝及柳枝陰誦此呪，輕打病人，無病不差。呪曰：

「南無薩婆佛陀達摩僧祇比耶 南無阿利耶婆盧吉低攝伐羅[口*寫] 菩提薩多跋寫南無跋折羅波尼寫菩提薩多波寫 踰姪他 徒比徒比迦耶 徒比婆羅闍婆羅尼馱皤訶」

此呪印能降伏諸邪見外道。若有善男子善女人，於晨朝時日三時各誦一遍者，即與種種供養十億諸佛無有異也，永不受女身，命終之後永離三塗，即得往生阿彌陀佛國，如來授手摩頂：「汝莫怖懼，來生我國。」現身不被橫死，不為鬼神之所得便。

破三千大千世界滅罪印第十四

起立以左手向前展臂，五指向前散托豎五指，次以右手大母指屈在掌中，以四指把拳當右耳上，當誦身呪頭指來去。此印日別須三時，一時誦七遍，能滅五逆、四重罪，於一切眾生慈心，即能燒一切罪根，此身滅後即為值佛，於彼佛土得作轉輪聖王。復得陀羅尼名曰無盡藏，復得三昧名智等，復得身中二十八種相現，現身

不患眼舌耳鼻等病，乃至身中一切疾病悉能消滅，若有先業罪者亦得消滅。若見天旱時，取烏麻子和毘麻子脂作丸，呪一百八遍，擲著湫水中，即得雨。若雨過多，取稻穀炒作華，取蔓菁子脂和作丸，呪之一百八遍，擲著湫水中，雨即止也。

降伏三千大千世界魔怨印第十五

以五指相叉左壓右急把拳，當頂上著，誦身呪，即降伏。若作此法，向舍利塔前二十九日夜，取白檀香作末，塗地作曼荼羅，其中散種種華。澡浴清淨、著新淨衣，手把香鑪燒沈水香，面向東坐，呪一千八遍。此是最初功能。又取芥子、烏麻著一處擣為末，以三指撮取少許，呪之一遍擲著火中。如是七日，日別誦一百八遍，然後所作皆悉成就。

廣大無畏印第十六

起立並足，先以右手仰垂左肘膝頭，左手亦如之。於舍利像前，誦身呪一百八遍，即得無畏施於眾生。又取槐香、白芥子、菖蒲、捨多婆利(外國藥名)，以此等物內火中燒之。燒火之時，應於佛前或在淨處，誦呪三十二遍，以香華供養，呪法悉皆成就，所為之者皆悉剋果。若餘呪無驗，以此呪呪之，亦皆成就。若欲乞夢，誦此呪并作印，眠即有夢，隨所欲見皆得見之。若人無福所向不諧者，日誦三遍呪滿七日，諸有所求一切皆得。爾時菩薩在娑竭羅龍宮海會說法，見諸龍眾受大苦惱，愍諸龍眾為度苦惱眾生，悉得離苦無諸怨害。爾時龍女獻一寶珠，價直娑婆世界，為求法故，吾為廣說離諸苦難。

水精菩薩護持千眼印呪第十七

爾時水精菩薩為欲利益護持此呪，而說呪曰：

「毘摩隸 摩訶毘摩隸 郁呵隸 摩訶郁呵隸 休摩隸 摩訶休摩隸 薩訶隸 止隸睇 馭婆訶」

若有善男子善女人在所遊方受持此千眼千臂菩薩法者，我當常隨衛護，乃至諸魔眷屬無惱亂者。若人急難、他國相侵、盜賊逆亂，當取五色縷結，誦呪二十一遍，一遍一結，繫於左臂。又以左手無名指中指頭指把拳，大母指壓上，展小母指，指所至賊方誦呪七遍，悉皆退散，不能為害。爾時觀世音菩薩在雪山中說法，觀見夜叉羅剎國中人民唯食眾生血肉，無有善心。菩薩為欲利益方便教化眾

生，以神通力尋至彼國，現千眼千臂降魔身，說成就姥陀羅尼法。爾時羅刹國王來至我所，求哀頂禮。我以成就印印之，即得成無上道。

成就印第十八

起立並足，合掌當心，以小指相叉左壓右，誦身呪二十一遍，種種皆得成就。若救六道苦難眾生，當用輪印。以十指頭各相拄，開腕掌中使開，其指間各相去一寸許即是。菩薩在六道循環度諸苦難，以此印輪迴，悉得離苦。此印法拔吒那羅延長年師，纔翻便即歸國，并將所翻之本。智通畢竟尋逐不得，遇於一僧邊得梵本譯出，在外無本。

成等正覺印第十九

結跏趺坐，先以左手舒五指，仰掌在左膝上，次以右手舒五指，覆手捺右膝上。此與滅盡印法同。過去未來現在諸佛，皆同此印得佛菩提。此印能除一切業障。若坐禪諸法不現前者，當七日七夜於阿練若處誦此陀羅尼并此印法，至心念佛，晝夜六時懺悔，即得諸法現前，及所得福無量無邊不可稱計。

呼召三十三天印第二十

先以左手四指把拳，次以右手握左手大母指亦如把拳，令左手大母指在右手虎口中出頭，以右手頭指來去。呪曰：

「唵(一) 俱智俱智(二) 俱耶利(三) 遮利遮利(四) 遮犁隸(五) 蘇婆訶」

此陀羅尼印呪不可思議。若善男子善女人臨欲眠時，誦此呪一百八遍，心中所願於夢寐中悉得知見。若能日日誦此呪者，亦能滅一切罪，不失菩提心。其人昏夜寐夢漸漸增廣皆得吉祥，乃至夢見如來在菩提樹下授記成道，乃至釋梵諸天常來侍衛。

呼召天龍八部鬼神印第二十一

起立並足，先以左手大母指屈在掌中，四指把拳當心上著，次以右手亦如之，以右手在右耳邊，以頭指來去。呪曰：

「南無尼健陀(上聲)(一) 南無阿利闍波陀(去聲)(二) 馱婆訶(三) 南無阿利闍羅馱婆訶(四) 堙醯夷醯(五) 馱婆訶」

此呪印若善男子善女人受持讀誦者，知七世宿命，毒蛇不敢螫、毒藥自然除、刀不能害、王亦不能瞋，永劫不受地獄苦。若誦此呪時，二十八部鬼神來詣誦呪人邊，坐聽誦呪。若善男子善女人為鬼魅所著，以白縷為呪索，一遍一結，如是四十九結，繫其咽下，其病即除。若國內災疫流行國人死亡多者，當取國王園池中蓮華一百八莖，一華各呪一遍擲著火中，燒令蕩盡，災疫即除。

解脫印第二十二

結跏趺坐，先以左手中指與大母指頭相捻，仰掌向上，餘三指散展置於左膝上，次以右手亦如之，覆手置於右膝上，誦身呪二十一遍，所願悉皆滿足，諸有苦惱悉皆解脫。若善男子善女人具造十惡、五逆等罪，如閻浮提履地變為微塵，一一微塵成於一劫。是人造若干等罪，應墮地獄歷劫受苦永無出期。是善男子善女人，能於舍利及佛像前，白月十五日一日一夜不食，結印誦呪滿一百八遍，如上諸罪苦惱悉皆消滅。若不滅者，無有是處。此印智通本上先無，智通於涼州逢一婆羅門僧有此梵本，遇會勸之，更有此印，自得受持，大有功效不可思議。

自在神足印第二十三

起立先以左手握右脚大母指如把拳，次以右手握左手腕背上，誦身呪七遍，欲進千里不以為難。誦呪之時，勿令聲出。

神變自在印第二十四

先以左手大母指捻小指甲上，次以右手亦如之，餘三指各散豎，合腕相著置於頂上，誦身呪二十一遍，皆得遊行自在。昔有罽賓國僧闍提，於北天竺求得此梵本，未曾翻譯，自得受持，威力廣大，不敢流傳。智通於此僧弟婆伽伽邊得本，依法受持功效不少。唯不流行於世，此本絕無，後同學得者願同功力。

王心印呪第二十五

兩手合掌虛掌內合腕，二頭指來去。呪曰：

「唵(一) 阿嚕力帝囉路迦夜(去聲)毘社(時賀切)耶(二) 薩婆鑠覩嚩(二合)鉢囉麼馱那(三) 迦囉耶[合*牛]泮莎訶」

爾時觀世音菩薩告諸大眾言：「若佛滅後，於末法時五百年中，閻浮提人忽眼見及耳聞我此法印陀羅尼法門者，當知此人過去已曾供養無量諸佛。今得值遇，得我此法印陀羅尼，抄寫受持讀誦、如法修行者，即得初地，速成佛果得阿耨多羅三藐三菩提。」爾時觀世音菩薩聞佛說已，歡喜信受，作禮而去。

千眼千臂觀世音菩薩陀羅尼神呪經卷下

[CBETA 贊助資訊](https://www.cbeta.org/donation/index.php)

[.\(https://www.cbeta.org/donation/index.php\)](https://www.cbeta.org/donation/index.php)

CBETA 成立於 1998 年，於 2023 年 8 月 7 日轉型成為基金會。成立多年來，一部部佛典在嚴謹控管中轉換為數位典藏，不只數量龐大，而且文字校訂精確可信，又加新式標點方便閱讀。「CBETA 電子佛典集成」不僅獲得國際學界的重視及肯定，也成為大眾廣為運用的公共資源，如此成果都是在廣大信眾及有識之士的支持下才得以實現。

對一個從事佛法志業的非營利團隊，能夠長期埋首理想、踏實耕耘是非常不容易的。如今，CBETA 運作經費日漸拮据，但「佛典集成」仍有許多未竟之功。因此，懇請大家慷慨解囊、熱情贊助，讓未來有更多更好的電子佛典。

您的捐款本會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

信用卡線上捐款

本線上捐款與 netiCRM 及 NewbPay 藍新金流合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

不管您持有的是國內或國外卡，所有捐款最終將以新台幣結算，所以我們所開立的捐款收據也將以新台幣計。

線上刷卡支持定期定額與單筆捐款。(銀聯卡不支援定期定額)

[前往捐款](#)

劃撥捐款

郵政劃撥帳號：5 0 4 6 8 2 8 5

戶名：財團法人佛教電子佛典基金會

欲指定特殊用途者，請特別註明，我們會專款專用。

線上信用卡 / PayPal 捐款

PayPal 是一個跨國線上付款機制的公司，CBETA 引用其服務，提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project.

相關收據開立事宜，由於付款幣別為美元，我們除了會依您所贊助之美元金額開立收據外，另我們會依捐款當日公告匯率開立台幣收據，此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

[線上信用卡 / PayPal 贊助](#)

支票捐款

支票抬頭請填寫「財團法人佛教電子佛典基金會」。

For donations by check, please write the check to
"Comprehensive Buddhist Electronic Text Archive
Foundation".
